

Marisol lo para firme?

Mester bin claridad den caso tereno erfpacht bendi pa 75 mil dollar

ORANJESTAD (AAN) — Den e escandalo di venta di tereno di lider di fraccion di MEP, Adi Thijsen pa 75 mil Dollar, mester bin claridad encuan to maneho di gobierno.

Ministro Marisol a publica e siman aki un pagina completo den corant unda cu e ta splica 'exactamente' kico ta e reglanan relaciona cu otorgamento di tereno erfpacht y tambe ki ora un tereno erfpacht por worde 'traspasa' (Dus no bendi!); esta pasa e tereno di un familiar pa otro cu autorizacion di ministro.

Na ningun caminda ministro Marisol a bisa cu ta permiti pa venta di tereno erfpacht tuma lugar, aunke cu Adi Thijsen ta para riba cu e no a bendi e tereno y cu ta traspaso economico so el a haci; yame con cu bo kier pasobra bo a haya placa pa e tereno cu tabata bashi y pa colmo awor el a worde bendi cu un extranhero tambe, siendo cu tin hopi yiu di tera cu tambe por a haya e tereno bashi.

Rumornan tabata core cu ministro Marisol a para fuerte y a bisa cu nan lo bay averigua un ke otro na Domein Beheer / DIP pa sa a afor oficialmente riba kende su number e tereno en cuestion ta poni y si negoshi a worde haci cu e tereno, e tereno lo worde kita y gobierno lo pasa esaki pa un otro hende y si tin algo traha riba dje mes, esaki lo worde bendi na findishi.

Di otro banda Nel Oduber ta sostene Adi Thijsen pasobra supuestamente Adi no a haci

nada contra ley y ey ta caminda cu e mayoria den pueblo ta haya cu Nel Oduber ta papia y actua cu dos cara, siendo cu e sa masha bon cu e maneho di su mesun gobierno ta pa evita y prohibi cualkier acto di negoshi cu tereno erfpacht y ni cuanto cu awor e sostenedornan di Adi den MEP ta bisa cu loke Adi a haci no tabata un acto di venta di tereno.

Durante dlanan venidero pueblo lo bay wak si den e caso aki atrobe tin maniobranan di gaña rabia entre ministronan y parlamentarionan di MEP, pa despues nan tapa mal hechonan den gobernacion, pa sigui actua manera nada a pasa.


Sea cu ministro Marisol ta para fuerte e biaha aki of cu e ta bolbe baha cabes pa Nel Oduber y asina muestra pueblo cu su mesun coleganan por haci deshaci cu maneho su maneho stipula.

Na momento cu Marisol para fuerte y kita e tereno, e ora ey tin un conflicto den

governacion unda cu Nel Oduber Y Adi Thijsen lo

pasa den un berguensa historico unda no ta keda nan nada otro cu tuma nan retiro pasobra Marisol ta muestra nan bon cla cu nan ta fout. Palabra awor ta na ministro Marisol.

Hubert Semeleer a gana 840.000 di Lotto pa Deporte



ORANJESTAD (AAN): Hubert su numbertan ganado ta 13, 17, 19, 24 y 29. Hubert su numbertan un lotto loco cu el a ripita dos siman.

Su lotto ta cumpra na Shoshoro Snack na Playa. Hubert lo pone gran parti di e

placa den un Time Deposit pa segura un bon futuro pa su famia e resto e lo comparti cu su yiu nan, un parti lo bay pa charity, drecha cas y e lo cumpra un auto nobo pa su señora.

Fundacion Lotto pa Deporte ta felicita e ganado

di Lotto pa Deporte y ta gradicie pa su confianza den nos sorteo nacional. Na e pueblo di Aruba nos ta bisa "Wak pa bo linea ta na awa, paso bo nunca sa ki dia ta toka abo".

BROEDENDE KIP A RABIA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Tricycle NOBO

Antes Afl. 125,=

Awor Afl. 85,=